

四庫全書

集部

欽定四庫全書

集部

御製詩五集卷三十九

欽定四庫全書

御製詩五集卷三十九

古今體九十八首

戊申五

陝西巡撫巴延三報雨詩以誌慰

望雨春而夏由畿豫與齊

自五月中旬已殷望澤連次得雨俱不過一二寸昨三月

二十日京師幸得六寸有餘而畿南及山東泰安以北河南大河以北雖得微雨尚采澤現各虔誠祈禱

豈知需膏澤獨覺幸秦西

據巴延三奏陝西省漢中興安二府屬於二月初一二及

一十四五六七等日前後得雨自三四寸至深透不等其西安同州鳳翔三府屬暨商邠乾三州屬亦於二月

二十四五六七八等日得雨自二三寸至四五寸不等
節踰清明麥苗長發得此應時甘澤麥秋可望豐收等
語覽奏固深欣慰然不能因
陝省一隅而弛此澤望也

麥秋清明節禾耕原隰畦

撫茲渴佇際浩歎奈何兮

進宮因

常雩齋戒德勝門外作

雖是

常雩即

禱雩需膏旬半麥將枯

三月二十日得雨園有六寸然
已將及半月麥田又切望澤矣

前茲謝雨衝泥處已是揚塵蒿目吾

廿一日至覺生寺謝雨道中積水泥

淳熙間深入甯六寸有餘今日因進宮即前所經之途已覺塵全揚起殊深蒿目

常寧齋戒

旦雲旋復露晨曦歷攬郊原增憫而自咎新正幸雪溼

豈知隴得竟虛期

新正十二日得雪逾尺意謂確此雨暘或可應期此予望雨不知足恆情

然就目下盼澤情形轉覺前此過於欣幸首春得雪優渥而麥收難副所望不能不轉自咎矣

隴得虛期五日延

蘇軾喜雨亭記云五日不雨則無麥今麥秋已近而猶切虔望又與軾所

言情形倍至齋居願禱惟盼甘霖善被澤渥大田耳

更因望蜀益憂煎

南郊顓幾

去

微忱達普

賜甘霖蘇大田

河南巡撫畢沅奏報得雨詩以誌事

正繾豫郊望雨時

雩齋清曉奏書披龍湫取水精誠假

太白垂恩渥澤施

畢沅前為陝撫時曾因旱禱於白山龍湫著有靈應奏以豫省雨

澤未霑差官虔往陝省取水嗣於三月廿八日適龍湫取水之員回豫果即於是日戌時起至廿九日辰時霑

暢酣濡入土極為深透

感荷神麻實難言喻省以南稱潤以透河之北待膏

之滋

又奏稱開封歸德南陽汝寧河南陳州六府暨許汝陝光四州屬於二十二三五六等日得雨三四

五六寸並多深透之處麥田及時滋長可望豐收其衛輝懷慶彰德三府屬於二十五六日得雨止一二三寸不等尚待甘霖續霑等語却憐歎後方蘇地河北三府當積歟之後去歲報收成九分有餘元氣甫蘇茲仍殷盼澤因批論一切綢繆之計應慎為之一切綢繆勗勉為

雩祭齋居

寅起見雲佈辰餐露日晶瞻

天又虛望撫已那紆情理政惟幾勅觀民祇愧生消間
艱得句得句亦忤忤

題雲龍犀角盃

犀角興明代精傳無錫尤已教初輪輅未免費雕鏤命
匠敦淳樸作孟斤巧浮雲龍述經義雜說與韓侂

沈周松巖聽泉圖即用其韻

獨坐屨屨上知他何處家蔭松謖秋籟聽瀑落泉花豎
勢分雄礪平紋漾淺沙興闌歸草舍應步曲橋斜

河道總督李奉翰奏報淮安得雨詩以誌事

開封膏雨被淮浦喜音通為寸四而五知時南以東

據李

奉翰奏淮揚徐海各屬於前月十九二十日已得雨三
四寸茲廿五六日復得雨四五寸不等甚為霑足等語

昨畢沅奏開封以南一律得雨深遠蘇淮安與豫省東南接壤雨勢蓋自開封向南而東故淮安得雨而河迄北則尚在望澤也 衛彰澤未逮齊趙旱仍同披奏雖稱慰益深慙愧衷

詣齋宮作

恭視

祝璧帛禮當升太和詣

壇發玉輦舉

祭協南訛瞻拜申誠悃齋居慎琢磨從頭辟詩讀望雨

作為多

署山西巡撫明興報雨詩以誌事

齋居雖簡政驛牘則恒披展

也時

接晉省奏雨稱各屬滋

晉省自二三月間曾得雨數次茲據明興奏太原省城於三月廿八日中午時起至廿九日寅時霖雨連綿入土

三十四野均霑其各屬同時得雨二三寸至四五寸者共六十四廳州縣覽奏深為欣慰繼膏真益

渥與豫恰同時

卑沅昨奏豫省得雨日期正與晉省相同被澤可謂寬廣

晴晦斯無

定尚靳甘澤施

通日此間每晨陰雲濃佈隨作風開霽齋居祈澤倍深感切

常雩禮成述事

春雪優霑謂卜豐侵尋望雨昨年同曰

常雩即殷勤禱希

顧鑒斯敬畏衷謝

佑貞師靖海寇祈

施甘澤切田功七旬有八能歲禮何莫非蒙

帝眷崇

安徽巡撫陳用敷奏報得雨詩以誌慰

麥秀時宜曬二月數旬晴養秧却宜雨嘉霑霑省城季

春之下旬甘霖溝澮盈

陳用敷奏安省上年冬間瑞雪霑足入春兩膏亦廣又得數旬

晴暘於二麥甚屬相宜至三月下旬農民播種事畢早禾將陸續栽插正喜兩澤長養秋苗茲省城於三月二

十二三等日連得大雨極為遠足現

似此時若況稔秋

庶可徵批尾信稱慰既而仍怵怵遠近胥吾民豈有殊
視情慰遠而愁近近切斯亦誠何當霈澤北省普惠
寧

詠結緣

因緣凡十二

出大集經

梵經示所有解乃成超脫結則惹塵

垢設卑以論之善惡更分割結善斯為臧結惡斯為醜
今朝四月八浴佛傳已久爰有結緣言未識躬誰口浴
本取其淨結實存乎紐此義似相左調御應弗受偶然
生別會愁結我非苟雨艱春夏交十歲或八九望雨愁
弗解結念如紛糾何當出大雲甘霖渥潤阜解垢結善
緣興農蘇黔首

降旨緩徵山東缺雨五十四州縣舊欠帶徵並本
年應徵錢糧詩以誌事

山東去歲幸豐稔冬雪亦欣霑以普因此種麥頗稱廣
滿望夏收慶蕃廩而何自入春以來侵尋靳澤乃望雨

迤南屢霑幸無妨迤北被旱延數府

前據長麟奏山東省入春後自泰安

迤南屢霑甘澤迤北濟南泰安等數府或僅得雨一二寸或尚未得雨此時幸霑甘霖大田或可起種而麥收已無可冀大田未種或可待所惜絕望麥秋觀殷勤窮黎既

播種

上聲謂麥種

並種失之斯益苦方伯奏來請緩徵速命

降旨不留處

據奏歷城等五十四州縣雨澤愆期麥收失望請將新舊錢糧緩至本年秋後徵收

以紓民力等語該省去歲豐收冬雪亦普是以今歲播種麥田較廣茲以雨澤稀少農民並麥種亦不可得工

本徒康情形自屬拮据因即降旨將濟南泰安武定東
昌曹州兗州青州各府屬臨清州暨所屬而澤稀少之
五十四州縣及坐落衛所新舊錢糧一併緩
至本年秋成後徵收以副厯念民依至意

南望齊民

何弗幸一豐那抵一飢補長言誌事不成章顯祈膏霽
甦災所

詠玉石子竹如意

石子產玉河其質勝產陸天然土氣潤璘玢絳文縟以
為如意朶初日蓮出浴其柄宜用何自宜渭川竹

詠玉鶯

形肖還看色無二山陰道士乍空籠此鷺方稱此為玉
涼帶紅羅那許同

見元史
輿服志

題汪承霈畫二幅

湖石邊旁古柏身峙成壽字傍

去聲

長春

花名

嘉其用意新

非巧小雅如歌天保人

右古柏

橫為嶺也豎為峯點畫其間借老松不似似中五福首
窻明几淨伴清供

右山水

降旨緩徵直隸南三府並豫省河北三府本年錢糧詩以誌事

直隸順德廣平大名三府及河南彰德懷慶衛輝三府壤地既接近年屢遇偏災雖幸去歲皆有收今春又皆缺雨昨已降旨將直隸節年帶徵地丁各項予以緩徵但現在麥收失望舊者雖緩而新糧正在開徵民力仍屬拮据因即降旨將直隸之

南三府本年錢糧豫省之河北三府本年應徵新
舊錢糧槩行緩至秋成後分別徵收庶閭閻生計

稍臻寬裕爾

直隸南三府昨旨緩舊欠茲思今歲供正在開徵勘

定例

各省地丁錢糧四月初正屆開徵之期

緩舊而急新民勞那解暫索與緩

其新庶稍救民墊河之北三府接壤連垓地其旱或甚
之風夜厯愁念推行並緩徵無須新舊驗虔籲

天悔禍優霽錫普汎大田冀可耕靜以待秋欽調變竟

無術搞詞慙愧兼

叶

青龍橋西三疊乙巳韻

一雨因循廿又過

自前月二十得雨後
距今又過兩旬矣

愁成所好竟成

阿香山試往蘄消悶沿路憑觀恐失禾不雨那能延十日望雲徒自浩長哦晚陰幾片隨風散巽二為屯可奈何

小駐玉泉山

小駐玉泉山傳餐片刻間奏章細批諾庶政勅幾閒甘

雨應優霈祈

神益赧顏無殊去歲況

去歲首夏來此亦正值望雨之時

慙愧對靈灣

玉泉山西

輕輿歷山西麥田綠翻浪訝殊昨進宮枯苗待膏狀綠
季春下旬雨勢此間暢然惟數里耳其他原一樣禾較
麥更要東坡語尤當以此十日期苑結迫吾望雲作風
隨之索然此惆悵

棲雲樓再疊丙午韻

靜宜又此陟山興山半間臨雲水居望雨每來首夏望

初心那改卅年初

乾隆十一年予初遊看山時始建此樓

棲斯何必應

謂雲

高閣佈去應教澤遠奮舊句新看如一律幕調無術實
慚予

天池二首

天半崇山天尚遠砌池貯水即天池世間一切假名象
原出於人位置之

砌石成池坦朗如設其一洩乃無餘蘊中發外為文者

可以臨波一會諸

題山水清音

水有音而山無音此理易知人盡曉蓋緣山靜而水動
動則有音靜則杳然而水音豈自能亦必藉山高下表
因高就下斯成音相資殷而相得好更思其清本無心
有心聽之斯為援

歡喜園

巖樓別樓雲梵園入歡喜步輦陟崆嶠嶢榭造尺咫宇

雲時厚薄瞪目發勞矣

出楞嚴經

何當大需甘副名農功起

來青軒敬題

山軒憑虛牖近遠展翠屏仰首眺

奎文普照乾坤明

軒中寓普照乾坤四字乃皇祖御筆也

王言何大哉詎惟賞色形下視麥每每其青亦來呈五
日大需甘尚冀餅餌馨

香巖室三疊乙巳韻

巖室斯乎抑室巖大都知一即知凡因思曰佛要於捨

可識為君不在嚴七字又成今日偶幾間獨占古峯巉
嘒嘒却異吉人寡擬合從頭概與芟

玉華岫

古寺枕崇椒梯窻可盼遙居然有精舍却匪憇僧寮出

洞樹烘本滋泉枝放條

寺後有明時所築石洞冬時將樹入洞避寒春時出洞置向陽

處受暖且有泉滋溉故京師喜桂者多就此養之亦不禁也

山雲時聚散聚盼散斯

焦

題正凝堂

正乃安斯止凝當祛彼紛詎惟山水德實合智仁勤周

訓傳無逸義經象有文

朱子本義云兩重器也故有正位凝命之意亦祇就象而言要

之卦德外離明而內巽入人君所以正位凝命之本豈復外是離明與巽入總以切為

君

就松舍

舍築松傍號就松誰能誰所覓難從無端來就安名者

合讓舍松守自封

暢風樓口號

遣懷拾級一登樓樓額簷端睇舉頭暢我王風姑且置
謂風望雨爾權收

養源書屋

碧雲寺之水引流至香山香山非無泉其勢遜此焉既
已據上流斯可謂之源書屋構其側養源因名旃絜矩
思萬理率自源而沿心即理之源養心萬理端莫善於
寡欲聊以示要詮

來芬閣漫題

來芬詎有芬來也。雙語寧惟我始之。

閣俯荷池茲當首夏與來芬之名未

副是以上年有荷時方得謂來芬夏首斯言誠雙云之句然自古為文之人其不為雙語者蓋亦鮮矣

昨

歲不同宛轉體

昨歲來芬閣二首用宛轉體解悶亦因望雨而作

却因望雨又

斯時

夜雨

四月十一日

山雲過申密入酉灑銀絲戌與亥時霈子將丑間

去聲垂

通宵徒屢問二寸祇稱滋寅曙霏烟斂望山興歎咨

運河

去歲治運河疏濬期完善徽山湖水增迤南患可免

山徽

湖為濟運水櫃上年四月因湖水微弱命侍郎明興前往督率地方官動帑疏濬節次據奏將支餘各河以及清膝映澮之水一律挑挖深通於是東流源源下注當盛夏大雨時行之際水盡歸湖至七月間已於北符定誌一大一尺之外多收水一尺有餘並令每年隨時經理是八閘迤南灌輸濟運可永無淺阻之患矣

汶

水本分流南北資輪轉

汶水勢居地脊明河臣宋禮因其自然形勢導分南北流以濟

漕運至今因之迤北轉藉衛而更多古淺

運河自臨清以北衛河入以濟運今春因

河北之衛輝懷慶一帶缺雨以致九道壩百門泉等處衛水來源微弱是以豫省漕船致有阻滯而下游更多

古淺是以頗費調劑

今春衛水弱豫漕竟遲展由豫經直隸直隸

亦失緩輕重分吏議次第過應辦

前據倉場侍郎蘇凌阿等奏本年東省漕

船於三月十七日尚未報過津關較上年抵津日期已為遲滯當即傳旨詢問嗣據劉戡奏先復覆奏揆其情節此項漕船裝載豫省糧石其行走遲滯由於衛河水淺即經由直隸不過大名元城二縣單沅以本省巡撫不能預行籌辦轉以直隸河流淺澁為辭未免意存推諉因降旨將單沅劉戡交部分別察議又據巡漕御史和琳奏德正幫船入直隸吳橋地方亦行淺阻因並將劉戡及天津鎮道等傳旨嚴行申飭仍令劉戡親往督率撈挖

漕臣所慮佳截汶資北滿

昨據漕運總督顧奇奏將南旺馬踏諸湖暢放北注以汶水之有餘濟衛河之不足所思甚中目前之急務即傳諭蘭第錫長麟等作速照辦並派內閣學士管幹珍馳往協同催備俾糧艘得以及早抵通

然可救目前長此應慮審

望雨已焦勞籌運轉懇欸然不以為疲為疲失怠懶

晚雨

四月十一日

晚雨剛成寸昨朝合計三

前夜及昨朝共得三寸雨

非優未能慰以

欠益增慚細點隨風止輕雲歸岫含徘徊仍失望欲寐
那能甘

題學古堂

書堂即寢室來往歲年深學古惟學道養身在養心無
眠常問夜有惜曰非陰說命語親切時殷用作霖

山陽一曲精廬

瀟灑精廬潔山陽
委宛中無塵所到處有水若浮空
巖樹迴環翠野花
妥貼紅武夷問深境其九更應窮

懷風樓

偶登懷風樓因繹懷風義
風豈靳人懷人有懷風意嫌
暑懷其爽厭霑懷其霽
然每弗易得似因懷而避
若乃望雨時未懷乃亟至
吹雲所易為釀雨則艱
致懷風信何為額樓應自愧

淨涼亭

山泉易洩去無遺砌石為池乃貯之披處淨而涼滿意
正予焦灼望霖時

對瀑四首

香山橋下來步下到此峯頭望舉頭雖曰高低無定所
熾然分處望飛流

飛流明示有高低却以不齊示大齊悟得南華章第二
由來振鷺即醯雞

引自香山斯是假對如匡阜

謂匡廬峯

彼為真彼真乃幻

匡廬

不在目前

斯假實

此瀑乃目前

炙轂誰能辨主賓

耳目曰根聲色塵淙淙落處底為因山泉獨得全提句
一與洗之忘假真

琢情之閣題句

情宜於樸不宜華閣額何因琢以加

情宜於樸琢則失真蓋緣此額乃從

前內翰所擬偶未檢點用之於理實未當也

却憶乾坤題鑿度比之儵忽似

非差

向題乾坤鑿度詩云乾坤即儵忽混沌實太始乾坤既鑿開太始斯淪矣以此名閣不幾如儵忽之

鑒耶

致遠齋疊去歲韻

斯齋曰致遠致遠寧一處詎惟暢卷阿益慎厯政務昨
歲駐此時臺灣報變故以為兩提臣同往豈致悞誰知

互觀望勦兇乏猷慮

上年臺灣逆匪林爽文等滋事黃仕簡任承恩兩提督帶兵往勦以

為即可殲滅乃伊二人懦怯無能南北互相觀望不能
藏事因將伊二人革職治罪而今常青過臺灣督辦

易將謂奮略固守如一律雖未滋後患始終懼前顧

常

既為將軍初到臺灣時尚能調度整頓繼復株守郡城
不能埋根首進以致賊匪滋蔓雖郡城藉以保守無失

而始終瞻前顧後坐守
稽延之咎實不可追

以此遣重臣擒賊成功遽

幸于燭於

幾先命福康安海蘭察等率巴圖魯侍衛章京等百餘
人馳往並調集四川屯練黔楚兩廣兵丁進勦福康安
飛渡臺灣後數日之內解圍破賊歷險窮追設法生擒
二兇漸次掃蕩餘黨全臺平定於是撫輯良民得以復
安耕作迴思昨歲駐此
籌辦軍書瞬已經年矣
遂乃撫黔黎閭閻安寢寤迴思
昨歲况迅哉朝與暮

閱武

輕輿清曉過南山閱武旌勞未可刪所愧躬倡

平聲

未乘

騎昔年閱武必乘馬至教場或親御弧矢示之身先之
道固應如是近年近八旬雖精力尚健亦宜節勞

以從東顧遂乘輿
以往究用自愧云

敢忘衆力近平蠻

自立香山健銳營以來屢派出

征屢有成敘上年臺灣逆匪滋事先派翼長等八人前往領兵打仗後復簡派巴圖魯百人隨福康安等進剿果能迅奏膚功實為奮勇出力然予心益深兢惕詰戎之念未敢一日忘也

益當克詰訓惟

懋並視等差賞以頒莫謂例行託遊豫無非事也政胥

關

實勝寺疊去歲韻

實勝寺每兆實勝蒙

天恩不可無記匪予始乃自

太宗松杏山攻率子弟敬述此事用此名

崇德六年八月
太宗

以偏師破明總督洪承疇兵十三萬於松山杏山歸而建寧勝寺於盛京以紀功績予於乙巳歲以金川凱旋亦就西山舊寺葺新之名曰實勝自是平定伊犁回部兩金川無不名副其實遂結前光即以敬修武備

也
西域金川早如志以為是後應偃武與民休息可無

事不意丙午歲之冬臺灣邪教萌逆計兩提臣乃互觀

望不敢首進更退避

上年逆匪林爽文初滋事時黃仕簡任承恩以兩提督率兵渡海若

能奮勇勦殺不難立時撲滅不意黃仕簡安坐郡城任承恩株守鹿仔港以致賊勢蔓延攻城擄社日肆猖獗迨予總命常青為將軍過臺灣籌勦而賊衆日增已難措手非二人養癰之咎何以致此
以此養癰

賊蔓延攻城擄社猖獗至更命重臣徵勁兵百巴圖魯

嫺師律

叶

去歲夏間予燭照事幾非遣重臣前往不能迅速歲功於是今福康安海蘭察等於八月

初率巴圖魯百餘人帶領續調川黔楚粵勁旅近萬人赴閩此百餘人皆素嫺師旅無不一以當百賊東聞之

已皆膽落

屢戰屢勝擒二豎三月功成亂反治

福康安等於十月底自崇

武澳放洋一晝夜間揚帆直達鹿港軍威所至勢如振槁未及二月而二豎就擒妖氛悉靖閩郡之民咸安衽席成功之速無以踰此茲予駐蹕香山顧瞻寺額幸而無辱前名此皆仰賴上蒼眷佑用是益深敬畏耳

幸哉未致辱前名不然何以掩斯愧

香林室

書堂梵宮側題額曰香林結宇幽而野眇柯蕭以森雨
滋希淨味風妒厭繁音愛惡去聲紛吾念應於觀過尋有愛
惡斯過也然早時愛
雨惡風孰能無之

妙達軒

達於物在妙於心內外分明理可尋解脫擬將忘一切
愁仍望雨那能禁

總督書麟奏兩江雨澤情形詩以誌慰

今春雨澤靳於北實豐於南恒奏至仲春以前固頻霑

季春正值結麥穗下旬雨遍上下江

今年上下兩江春雨頻霑極為優渥

茲據書麟奏三月下旬正當二麥吐穗之時所有下江之江寧蘇州常州鎮江太倉通州上江之安慶太平廬州鳳陽潁州六安泗州滁州和州等各府州屬自三月二十至二十三等日先後得雨三四五寸不等又上元江寧江浦溧水句容六合金壇江都甘泉泰州儀徵寶應山陽清河桃源銅山宿遷合縣鳳陽靈璧宿州滁

州各州縣復於二十六七兩日得雨四五六寸至八寸不等二十九日鎮江句容一帶復得雷雨一陣旬日之

內甘霖疊霑處處深透等語江南去歲稔收今又雨澤普霑屢豐可冀覽奏深為欣慰

優渥恩膏

蒙普被不惟益麥兼益禾額慶南民沐

天賜秋成尚遠戒滿言去歲已豐屢綏冀一二寸近滋

此間一慰一愁意難置

詠和闐玉桐陰觀泉圖

不待爨材琴自具
七絃坐聽籟陰勻
何須洗濯學元鎮
相答聲銷萬斛塵

聞宣化府得雨詩以誌慰

宣化昨年旱災民
厓心所張家口都
統今朝報得雨據

爾圖那遜佛住
秦張家口一帶地
方於本月十一日
午時得雨晝夜連
綿至次日午時勢
猶未止閭內外均可
一律普霑宣化地
氣寒涼方值耕種之
期得此透雨於農
田大有裨益等語
不寧四五寸優

霑深入土關之內與外一律遍以普外固利畜牧內更
益禾黍怪底數朝涼延及氣如許蓋自北而南其日亦
可數此間亦於十一日夜十二日晚共得雨三寸此猶計其時日蓋自北而南惟京南雨勢更小耳
二三寸復南惟寸覩一慰一為慙擲筆意增慙

綠雲舫

山中縱有水靳固弗肯放

園中水皆由碧雲寺引來以山泉易洩故嘗置閘以畜之

屈曲以為溪引流始得暢寬祇二三尺那能容輕舫是
舫號綠雲乃築巖澗上夏霖落巖澗飛瀑波濤漾豈非

浮宅臨虛名即實相然而望雨際徘徊無此狀綠雲非
真雲延佇徒惆悵

玉乳泉三首

細溜徐淙石罅邊雨稀泉弱故應然然而不竭緣有本
立已存心理可詮

山泉正值路之中小屋三楹可憇躬我自吟詩衆歇息
逸勞合念與人同

此是平泉非落泉漫猜瀑布掛聲懸若斯合以無言去

言念於泉向有緣

雨香館

雨香號館卅年餘

館創於乾隆十一年

每至成吟泐壁書望雨心

田無不切曰香鼻觀率多虛花姿葉韻憑孤彼黍隴麥
畦俯起予過午山雲頻蔚起作霖曷惠舉耕鋤

攬秀亭疊丁未韻

歷磴陟山亭披窓俯書館

亭在雨香館上

高下豈有亟幽曠各

備選都無百步遙曲折成展轉攬者騁由近秀者供自

遠攬秀兩胥忘於何覓惡善而亭付不知騁供任其宛
亶得第一義那復舉倪莞

遲雲館得句

遲

平聲
緩也

遲

去聲
待也

為聲殊去平昨年繹義已分明

上年遲
雲館繹

義詩以遲字平音者訓徐去音者訓待而因徐方待其
義原通惟時亦值望而固有雲遲之速方我遲多愁意
之奈何此館復此日一例望雲愁頓生

超然堂

林表棲虛室遊睇近遠延夏雲時聚散晴晦幻山川安

得為霖雨普教遍大田凭窓俯仰意愧是未超然

勝亭口號

攬勝因之號勝亭揅符信有契山靈成功勇將聯翩至

連日海蘭察普爾普分領巴圖魯侍衛章京等自臺灣
回京嘉其迅掃妖氛復闔其遠涉重洋自應亟加慰勞
以示寵眷前席閔勞覲蹕停

靜室

園裏最高處

歷玉華岫而上西南行陟山之巔即此室園中室宇惟此最高

命遊不以

常綠希訝竒遇契妙合言忘不礙樹增綠惟憐麥欲黃

來恒逢望雨靜室笑人忙

竹鑪精舍

因愛惠泉編竹鑪做為佳處置之俱

辛未南巡過惠山聽松菴愛竹鑪之

雅命吳工做製因於此構精舍置之

香山精舍偶臨此即曰無泉泉豈無

此為香山最高處而寶山頂無泉也

御用大都第一泉

近京雖多有泉皆不及玉泉之天下第一泉凡御用飲膳之水皆從是處

取攜來中使熟烹煎慣經伺候早呈到謂曰吸清笑不

然

嫌用玻璃用紙疏開來廊落試憑虛隔峯松種龍鱗老
摩詰愧他老讀書

題碧雲寺

精藍號碧雲山樹果繽紛幻豈如真好

謂樹也

朝當為暮

勤用高唐賦語

無聊徒摘句有悶那成文
電電晚成晷夜窓

冀雨聞

洗心亭

萬事由來心作主
兩言亭子額簷簪
蔚然欲問兩言者

心洗亭乎亭洗心

小池亭子中心占不到一塵洗以清石架檜枝屈成戶
老檜枝下垂有石承之儼然如門蓋數百年以上之佈置也入門為試泉悅性山房山房悅性試
泉迎

試泉悅性山房

性似泉相近泉如性與盟偶來即惜去弗試詎知清那
待文武候謂文武火候也已看杯椀呈但期差不悞小謹俗人

情

題張宗蒼畫疊去歲韻

又對宗蒼畫相看意與遲配藜惟以韻慘澹不稱奇設
曰生雲活應教作雨滋如何目勞瞪復似去年時

去歲此時

對畫題什亦正
值望雨心旌

晚雨

四月
望日

向晚山雲佈雷聲隱隱聞旋看數片散祇落幾絲芬潤
地無一寸憂心增十分徊徨又孤望把筆愧云云

香山迴蹕至靜明園之作

蹕駐五朝四逢雨積來其寸祇成三

十一日至香山是夜及次朝十二日

得雨二寸其晚又得一寸昨十五日晚復有雷雨尚

益

思無逸政敢懈設曰消愁詩尚諳朝夕幾曾兩眉放林

園亦戒一心耽麥苗秀矣實斯待六不詹乎憫不堪

昨過

玉泉山西見道傍麥苗俱漸吐穗至望遠雨幾若五日為期者然何意得雨數次仍未霑足蹕路臨望深為憫

惜益增

慙愧

第一泉

龍神祠請雨再疊丙午韻

山西昨經見綠穎尚菁蔥

十一日往靜宜園道經玉泉山西見沿路麥苗尚菁蔥盈

目若即得透雨或不至於失望

却聽農家語增憂肝食衷春寒失麥定

畦井費工忡

今春雨澤固未霑足又加以春寒發生未暢即通傍畦麥有井水澆灌者收成恐亦

不免歉薄徒費人工深堪憫惻

虔籲

渥恩霈大田休致空

北省多有春雨未優至夏間雨澤深透秋禾仍獲豐稔之歲惟籲

天恩

鑒此虔衷日內甘霖優霈俾大田及時播種民食庶可無虞耳

華滋館

新正雪優霈景物謂華滋

新正得雪逾尺意謂春雨繼霨麥秋可冀有收即園中景

物亦無不華滋矣
孰知竟成虛望

豈意侵尋早忽經春夏時綢繆糴麥

計

今春京師雨澤未渥又以天氣寒涼來秋失望雖命分賑平糶市價不致昂貴然宵旰焦思不得不為未

雨綢繆之計因念豫齊兩省上年俱獲豐收豫省大河以南各府麥價每石值錢七八百文近據長麟奏稱臺莊地方商販積麥充盈挹彼注茲是亦調劑之術隨馳諭單沅長麟酌辦除籌備本省近北缺雨地方民食外即令動帑採買數萬石運京以備平糶之用

焦切藝禾期呼籲真乏術慙惶

祇自知

含暉堂視事

堂構東門近臨之視事頻肯窮遊覽興因懈敬恭身差

以毫而里慎哉絲與綸功成迴勇將勞苦細咨詢

海蘭察自

臺灣回京視事之後召見細詢勦平逆匪戰績及遠涉洋面情形咨勞頗繁不覺逾晷

古北口提督閣正祥報雨詩以誌事

前此熱河四寸被

據閣正祥奏古北口地方春間雨澤稀少四月十二日得雨一次惟熱河

地方報

近關一帶澤猶廉

其所屬之八溝營唐三營喀喇河屯黃姑屯及口內之石

匣審雲懷柔薊州等營汛稟報是日僅各得雨一二寸不等

茲稱古北半尺潤正是

園中一夜纖

茲古北口於四月十六日自酉時起至亥時止甘霖優霈得雨五寸有餘等語此間

於是夜祇微雨庶纖不能及寸慰不救愁益增縫念

欣彼愁斯却何益月長日引

祇憂添額

天宥過虔祈待北界胥霽淫霽霑

遣悶

不啻鬢霜鬚半絲古稀猶此日孜孜求全責備人難得
救弊補偏我勉為以曰脩身愧失學設求遣悶祇餘詩
年來如與愁相約每在春殘夏首時

北方春雨率不能
霑足每當春夏之

際多係望澤之時形
之吟詠者十之八九

詠和闐大玉椀六韻

有序

判山水之元蒼材非擇地麗重連之璧璐質並成
規製器宜露沃蔗漿涉遠共河流桃核二萬里溯
勤拓地德昭宵旰之籌三十年久効撈波心底春
秋之貢懲營私而庸臣抵罪牟重利而市賈爭趨
維誰何必謹於巖關而甲乙究歸於天府近蠲稅
半新獲瓌雙徑可得周尺而羸制不藉漢京以上
雲雷錯采何如太璞能完水月同圓恰以重規相
印美知必合比肩盤托之兩吟句不須聯具體甕

孟之七字那數青浮槐餅煎茶禁玉局之三漫同
白映車渠作賦侈建安之七

誰云山玉遜水玉

向稱和闐玉有山產水產之分山玉易致大者而色質每不如水玉之美

以受水性潤故也然此亦言其大概此梳實山玉乃知未始無美材也

看此雙孟本一孟

二梳形質如一雖係山玉而質作羊脂自係巨材故可割製二梳實亦不遜水玉云質擬羊脂崑

嶠韞珍因鼠竊峪關趨

新疆回部効順輸誠每歲春秋採玉入貢藉以受賞至內地商賈雖禁其私販然人情貪利乃竟有私購自回人竊以入嘉峪關冀獲厚利是以每多佳品轉出官採之上

市譏薄示叔懷罪

高賈趨利如鶩雖久有例禁恒多不顧逮既經拏獲不得不薄示法懲以

嚴私越違
禁之罪

廷獻那憂卞泣誅吳匠不教施俗樣考工聊

命述淳模水天圓月光相映樽俎賓筵禮或殊

漢以上
無挽也

讀史設如浮大白定當持贈蜀人蘇

題巨然寒林晚岫

名蹟由來稱巨然却因裝潢失其全

巨然畫近今罕親
此幅實堪珍賞惟

違幅取識圖書無存自因
歷久裝潢為俗工所損

四家題各出手眼頻置斯圖

不少焉

幀中有黃荃楊維禎陶宗儀僧起然四家題詠
標明巨然所作名蹟雖賴以不泯而其辭率拙

考故戲
及之

江蘇巡撫閔鶚元安徽巡撫陳用敷各報春雨優
霑麥收有望詩以誌慰

正是焦心望澤時吳臺欽省奏書馳蘇淮無不優膏渥

江蘇省冬雪春膏最為霑被惟二月下旬及三月半前
稍覺望雨茲據閔鶚元奏三月下旬大江以南連得透
雨入土霑足其江北之揚州淮安徐州通州海州所屬
亦自三月十九至二十七等日先後各得雨五六寸至
八九寸不等而淮
徐一帶尤為充霑
徽賴都欣甘霑滋
廬州鳳陽潁州八府滁和廣六泗五州所屬均於三月
二十至三十等日得有甘霑或連日滂沱或間一二日
接續不斷極
為適足等語
麥隴方當結穗際稻田更利插秧期慰哉

南望同民慶北雨偏艱罪在誰

四月廿一日謁

黑龍潭祈雨疊去歲即事四首韻

三歲未來昨歲謁

黑龍潭祈雨每著靈應甲辰乙巳
而午三年雖亦望雨然四月中旬後

即得雨麥收亦不至失望是以三年中並未來祈雨昨
歲此日因望雨焦切乃詣潭親禱不意今歲仍此日

來虔連年茲至竭誠參雖云屢雨欠深透

前月二十日
此間得雨六

寸餘亦稱優渥嗣以天氣寒涼麥苗未能長發至本月
十一以後雖得雨數次而每次僅一二寸究以未能接

濟為
處

穡務厯觀緩度驟

芄芄麥龍秀將實三白因霑臘與春

上冬臘雪頻霑今歲上元前後得雪

踰尺頻叶堂兆

仲暮侵尋都靳澤詣

潭陳

過

請恩合惟親

曰敬曰誠要在嚴步登敢謝長

上

年添

往年過詣析澤自碑亭至

潭

龍神殿殿三十餘級必降輿拾級而上今雖年近八旬精力尚強况歲南與齊豫兩省接壤之區千里而遙候旄望澤頓俟普霑局敢以默陳一念馳千里兩字惟云

年歲之長有憚登陟之勞

默陳一念馳千里兩字惟云

籲普霑

近泉地潤易為功黍町

去聲稻塍胥綠芄

今早將至龍潭見附近未

亢茂此蓋以地近東含潤之益然究望
甘膏渥被仰邀神貺更為普遍耳

究欠甘膏渥遠

近夔夔翹首望高空

降旨緩徵順天等府新舊錢糧詩以誌事

緩徵南郡降絲綸更以推行問督臣

昨以直隸順德廣平大名三府春間

缺雨先後降旨將節年帶徵地丁各項并本年應徵錢糧概令緩至秋成後徵收更恐此外有麥收歉薄之區

未便令其向隅因即馳諭劉戡詳查具奏六府四州悉艱澤新徵舊欠普施

仁茲據劉戡奏順天等府州屬四十九州縣以春夏缺雨來收歉薄大田亦多未佈種等語農民當此歉收之際若將新舊錢糧同時並徵民力未免拮据因降旨將順天府屬之大城文安保定武清寶坻薊州保定府

屬之清苑唐縣博野望都完縣祁州朱鹿河間府屬之
河間任邱獻縣交河阜城景州東光吳橋寧津肅寧故
城天津府屬之靜海青縣南皮滄州鹽山慶雲正定府
屬之正定井陘新樂行唐晉州無極藁城冀州併所屬
之南宮新河藁強趙州併所屬之隆平寧晉深州併所
屬之武強饒陽定州併所屬之曲陽等四十九州縣並
宣化府屬之延慶赤城龍門三州縣應徵節年新舊錢
糧倉穀旗租及萬全等州縣上年因災出借之口糧加
恩一體緩至秋成後徵收如並無節欠糧租者准其將
本年新糧一體緩徵俾間閭生計益資寬裕以副軫念
民依
至意
大都不宿加恩事猶恐或遺背泣人
謂向急欲甘

霖需盈尺秋田庶弗誤耕昀

雨六韻疊去歲詩韻

四月廿三日

傍宵雲漸密五鼓雨霏纖卯及辰氣作已連午勢添悠

揚志誠滿頃挫態何嫌那計寸之數已盈尺過尖

雨勢綿密

過午刷地已盈尺有餘而勢尚未止

昨年符且勝

上年亦於廿一日詣黑龍潭祈雨次日即得

雨然僅有三寸今歲祈雨得雨期既相符而深透則遠過之

六日悔稱詹

近因盼雨迫切是以

望後自香山迴蹕御園詩有麥苗秀矣實斯待六不詹乎憫不堪之句茲仰邀神惠甘露優霑不惟大田可以佈種即麥苗正在結實者尚可望其有收轉盼前言之過耳

叩謝仍誠禱豫齊願普

霑

悉故

臺灣逆匪靖海嶠期永固因留福康安諸政資展布

臺灣

自朱一貴肆逆之後嗣如吳福生及近年黃教林耀楊
光熟輩不時糾眾滋事雖即伏法蕩平而一切善後事
宜未能熟籌妥辦是以奸民罔知畏懼循復乘間竊發
此番既經大加懲創不可不熟籌良策永固苞桑因命
福康安暫留彼處商辦建城移縣增設駐防
分募戍兵及撫輯熟番經畫疆土諸大政

善後俾久

奠勘前覈宿誤茲乃具奏聞一一悉其故諸吏懈文治

各弁弛武務加以事苞苴胥弗勤民慮

近據福康安奏
臺灣奸民滋事

之由向日文員懈於化導武職疎於操防已不能整頓
地方加以利其地土肥饒肆意侵漁若知府孫景燧同
知劉亨基董啟埏知縣唐鑑程竣等居官聲名狼藉總
兵柴大紀縱兵牟利於是奸徒得以藉口益無忌憚矣

即如緝邪教無脩行又遽善惡未分明燒屋如劫擄叶

天地飾添弟化大猶巧訴

前年開省辦理楊光勳械開弁犯一案該郡文武各員如

果將倡會起釁緣由徹底究理並將逆犯嚴緝則根株自必早能禁絕且此等邪教匪徒祇應上緊緝拏即有拒捕情形亦不妨當時格殺究非若勦捕逆賊所當焚其巢穴者可比乃署彰化令劉亨基於業犯善惡尚未分明執任胥役等燒其房屋是地方官緝捕奸民之事竟至形同劫擄以致林泮等逼令林爽文謀逆滋事又於天地會名目改為添弟二字有意化大為小巧訓掩飾乃道員永福臬司李永祺復存將就之見率轉完案迨林爽文等聚眾抗官恣為猖獗該署令亦束手無策被其戕害此其貽誤釀變之由歷歷如繪不可不嚴加懲治以為俞利
以此奸賊煽抗官乃弗懼遂致恣披猖

殃民激變者戒

賊首久失捕重臣率精兵三月成功速叶鑒前並飭後

官方大籌度

叶

點楚 福康安等率巴圖魯等百人及川粵

悉皆捕誅然良民無慮數萬遭賊荼毒殊堪憫惻茲既鑒於釀事之由不得不為弭變之計是以令福康安等定善後事宜惟冀此後官方整飭文武各員皆以綏定地方為念則奸頑自化而海疆庶可永靖耳 庶幾靖瀛疆萬民安寐寤

池上居對雨

四月廿四日

達卯至申竟作霖

左傳凡雨三日已往為霖詩人佳霖甘霖之類蓋借用為雨字耳茲自廿

二至廿四實合久雨字義然於四月得此為罕遇之優渥十年不可得一者

從容揮霍復深

沈多時愁旱茲救旱側席捫心益惕心今日始知池上

好七言聊寄壁間吟

每歲夏月無不有池上居之作

優霑

天澤何為報自問無過一字欽

春雨軒題句

季春雨滋雖六寸被況不出百里遙其後繼霑更遜彼

三月二十日得雨六寸惜僅在百里之內至四月二十以後連次得雨統計又止三寸更不逮矣 日甚

一日盼澤焦何幸

天恩霑首夏既優既渥連三朝麥資吐穗結實飽半收

或可酬民勞大田種者固勃長未種者亦興鋤交數十
年中希一遇何修而遇厚貺叨自問增感復增惕一念
慰恐隣乎驕謂軒負名軒不覺亦弗如我徒曉曉

萃景齋

閒齋額萃景自因攬景佳佳景必在春而春望雨皆桃
李那在目薤麥常存懷即今雨霑足滿志舒眉纔復恐
一念間敬怠循環來五字以銘心佳景原付齋

隨安室

室曰隨安豈易安為君惟有識其難愁因得雨方畧釋
又恐隣驕敢自寬

懷新館得句

試問懷新館寧惟春始乎葉萎都與潤花麗總含濡晴
暖非炎熾清和協氣愉吾心同萬物一雨普迴蘇

晴

一雨信三日伊誰之力乎甲寅似丁卯

蘇軾喜雨亭記
三月乙卯雨甲

子又雨民以為未足丁卯大雨三日乃止云云今春自
三月二十至四月十一以後連次得雨尚未優霑廿二

日甲寅至廿五日得雨二尺餘究與蘇軾所記相似矣

亭記擬髯蘇既渥欣晴好

新懷舊盼殊人心不知足乃有若斯夫

直隸總督劉綎奏省城得雨詩以誌慰

盼雨北南同需恩亦相等

直隸順德廣平大名等府春末夏初望雨情形與此間相

似日昨優霽連朝畿南自當相等茲據劉綎奏保定省城亦於廿三日自丑至午得雨八寸餘勢猶未止其未及各府先行陳奏者蓋仰體予望澤心切不及待其報齊也知我渴望亟馳奏先自

省各屬待報齊情形續陳稟迨東早被澤

熱河山海關等處據副都

統恒山保麟寧泰三月初旬已各得雨三寸餘古北口一帶據提督閻正祥奏四月中旬已得雨五寸餘

迨

西恰至頃

此次

雨澤據駐守風水內外地方於

西陵貝子弘問等奏二十三四兩日亦皆

足天津及正定佳音齊至併均得自具摺是以驛章騁

元據天津鹽政穆騰額正定鎮總兵朱秦德奏二十三
四兩日各得雨澤透竿語三人俱得具摺奏事是以先
即馳奏而劉戡尚未接屬員稟報然畿
南各府之俱邀青澤固已確有可據矣

南府想均需額

手虔稱幸稱幸敢徒云謙輦勵修省

御製詩五集卷三十九

欽定四庫全書

集部

御製詩五集卷四十

欽定四庫全書

御製詩五集卷四十

古今體七十七首

戊申六

命晉增

天后徽稱詩以昭靈誌謝

尊封

天后自

光朝輔

吳晏瀛恩久饒近以臺灣靖兵燹益知海舶佑

神昭

臺灣自用兵以來官兵配渡及裝載糧餉鉛藥船隻率多安穩至福康安於上年十月廿八日申刻

在崇武澳放洋一晝夜間駛行千里所有兵船百餘隻於廿九日申刻齊抵鹿仔港尤為從來渡海所罕聞今春大兵凱旋海蘭察普爾普等分領巴圖魯等並川粵黔楚領兵大員各帶本省官兵由鹿耳門鹿仔港兩處配渡俱即揚帆利涉惟福州駐防一起官兵內有領催蘇楞額等三十三名於三月初七日乘坐哨船已至港口未上大船陡起風暴拋碇不住吹折蓬桅前鋒德福等四名跳過別船蘇楞額等廿九名未及過船隨風飄至大洋兩日兩夜幸不覆溺初九日於黑水洋地方適遇許長發船自澎湖駛至於是兵丁等遇救過船俱得無恙

顯佑益深欽感

天后昭靈

飛來異鳥安無事

據福康安奏蘇楞額等船隻飄至大

洋正在危險之際忽有異鳥一雙赤喙赤足眉作金色
飛集船頭頗甚馴熟船戶等謂得神佑必可無虞既
而果得遇救全生過後詢之官兵船戶等言之鑿鑿並
奏上年自崇武澳開船後即聞船戶等傳說有靈異之
事等語向聞海上船隻遭風其蒙救者有飛鳥紅燈
來船即知萬無一失之語以今驗之洵為不爽云渡

後大魚忽有飄

又奏領催兵丁等於遇救過船之後將
軍裝搬運甫竟見原坐哨船下有數丈

大魚浮出水面船隻登時沉沒是呼吸之頃數
十人之性命得以保全神之佑助更為靈異四字

徽稱晉仲悃

天后靈應垂庥佑民福國康熙十九年
封護國庇民妙靈昭應弘仁普濟天

后乾隆二年加封福佑羣生四字二十二年加封誠感
咸應四字此次用兵仰荷神庥屢昭助順允宜增益

徽稱褒崇封號因敬加顯神
贊順四字以隆妥侑而抒誠悃永資

福錫萬民邀

雨後萬壽山昆明湖攬景得句

既霈優霖晴亦宜清和景攬副名時月餘愁藉紓焦切

日裏慰虞疎敬寅萬壽迎曦林巘朗昆明增水稻田滋

昆明湖隄外稻田不啻百頃此番甘霖優渥湖水增長灌注益為充裕

齊西豫北均霑否

頃據劉我奏畿南一帶得雨俱各深透想大雲普蔭齊豫連疆自當一律溥霑佇盼飛章遞至耳

南望

仍殷翹企思

養雲軒作歌

每當望雨時來此謂軒養雲新澤矣其或盼晴時臨軒
又懼養雲作霖否惟有時若心無繫乃識養雲致佳美
翼翼寫座合山烟霏霏出楹接溪水放之則彌卷退藏
是謂得養之正理然而雲乎及軒乎原漠不知其所以
而我把筆逞云云躁人辭多難避耳

圓朗齋

仁德為圓智德朗曰山曰水備於斯齋堂各取名言額
即目無非會理時

雲松巢

雲時有去來松恒峙庭宇然而相得彰山中結賓主雲以巢松閒松以巢雲古義皇本無異民居今却否叶安能順則乎畢思每慚懣

邵窩

綴景不妨各與名一邱一壑殊情形昔經豫之百泉處邵窩憶居堯夫曾背山面水此頗似因之安樂藉以稱樸室構是幽而野幾曾讀易窮微情陡然思及河北早

均霑澤否企奏呈

豫省河北衛輝懷慶彰德三府春夏之交雨澤未優昨廿二連朝之雨歲

南皆已霑足豫省接壤當可普被已即降旨馳詢亟望奏至以慰企念也

清可軒

山陽迤邐至山陰拾級書軒清可尋最愛架梁連峭壁
不須開牖撫奇岑林雖翠濯無遮目田已綠芄畧慰心
試問慰心真慰否收其放者敢忘欽

觀麥

片晌遊山返信哉馳驛騎每愛老尹言慳我厭留滯

昔年

遊棲霞山尹繼善比之馳驛語雖御園旋亦至園外有近戲正合予不留滯於物之意

耕地前者見抽穎今乃觀結穗一雨助精神馨香餅餌

味將謂麥無收半收竟可旣

今歲春末夏初雨澤雖未
露足然天氣寒涼吐穗少

遲此次幸得透雨
轉可望有半收也額手共農夫敬以承

天賜

直隸總督劉綎報各屬普得透雨詩以誌慰

保陽深透奏聞先待續查明繼報連

日前劉綎奏保定
會城於四月廿二

日得雨已有八寸其各屬得
雨寸數俟查明再行續奏

迤北果霑屬十普

茲據續
奏保定

順天正定河間天津等五府屬及易州深州定州冀州趙州五直隸州並所屬於廿三四五等日各得雨自四五六寸及深透不等不特大田可以及時播種即二麥亦尚可資飽滿覽奏深為欣慶 向南仍候

府三傳

其大名順德廣平三府據稱離省較遠尚未報到等語佇盼奏章繼至當可一律普邀 吳

耳歉收麥尚登冀半播種禾資獲得全稽首為民稱慶幸益深戒滿勵乾乾

山東巡撫長麟奏報省城得雨詩以誌慰

清河下澣此間雨南霈濟南遲二時

昨四月廿二之雨至次日廿三寅時

始覺霧霈茲長麟奏濟南省城於廿三日辰時雖曰較起得雨蓋雨勢自北而南故較此間遲二時耳

斯遜靈久幸知於彼亦霧施

濟南於廿三日自辰至午得雨二寸又自戌至廿四

日卯時雷雨達旦勢甚滂沱雖不及此間一以予望切雨三日入土二尺餘然亦可謂甘霖大霈矣

章先奏待屬陳齊驛續馳

又據奏省城迤北一帶雲氣濃厚雷聲絡繹得雨之處必

普俟報齊後再行馳奏亦知予盼望焦切是以先將省城得雨情形飛章奏聞想省北必均邀渥澤也

虔

謝大田堪播種普霑企即喜音披

眼鏡

眼鏡有二種水晶與玻璃玻璃價實廉水晶貨居奇水

晶雖艱致用之無害滋玻璃出冶鍊薰蒸火氣貽長上

聲

年目力衰視物或可資今率五旬用何異童佩觿予古
稀有八依然弗用斯蠅頭雖難工豆顆恒書之以小可
喻大常理非奇思藉已明於他其道乖君師

詩成既而思之明目達聰非藉已明於他人乎蓋明
目達聰公也寄耳目於左右私也此其間蹟相似而
道不同差之豪釐謬以千里故大舜好問好察固明
目達聰之公猶必執兩端而用其中若後世庸主以
猜忌之私寄耳目於左右求其明適成其暗是故申

而論之

宣化總兵劉允桂大同總兵沐特恩各報得透雨

詩以誌慰

宣化大同近隣接被災右重左徼輕

宣化大同兩府地界毗連去秋俱被

旱成災雖宣化尚可資左近有收地方接濟被災較輕然蠲賑均施加恩不啻再四

一朝兩處馳

章至首夏下旬霈澤并

今日據總兵劉允桂奏宣化於四月廿三日申時起至廿四日

未時沐特恩奏大同於廿二日酉時起至廿三日亥時各得雨深透等語計與此間同時俱被

渥恩而哭

黎得此甘膏可以及時播種大田尤深慶幸

早黍晚禾耕種起高原低隰澮

溝盈

昊天生物恩誠普感謝心殷敬自盟

題玉尺軸

轉折成玉軸展收資短長

置尺於兩軸口收為一尺展則為二尺短長皆以是準之

西清古鑑中有此漢銅器舊題為漢銅器飾蓋誤矣因命以玉倣為之適合玉尺之義而題之句

底須

較尺寸

謂尺有所短寸有所長也

恰合琢琳瑯陽貨那能鑿也軸裴元

未足方

也量材設絮矩顙俊渴無遑

山東巡撫長麟續報各屬得雨情形詩以誌慰

省城得雨奏聞先各屬均霑此達箋

前月廿三四兩日濟南省城霑雨滂

沅長麟未及侍各屬報齊先即馳奏茲據續奏濟南府屬之淄川等十五州縣泰安府屬之東平等四州縣武定府屬之惠民等十州縣東昌府屬之聊城等十州縣曹州府屬之范縣等三縣青州府屬之樂安等五縣兗州府屬之陽穀等二縣臨清州暨所屬之夏津等四州縣先後報到均於廿三四五日各得雨三四五寸至深透不等合計附省之歷城共五十四屬一律五十餘州優霑現在甫過小滿大田俱得及時播種云

縣胥被萬千數農圃迴鮮秀而弗實者加實旱以未田

茲可田

又稱窪地麥苗前因缺雨吐穗未結實者今獲優霑均得灌漿結實尚冀有薄收其高阜麥田

雖皆失望而現在翻犁可以播種秋禾覽奏固堪慰念但計收斂之期尚遠惟更惕懷不敢滿志

夏長

上秋收時尚永目前稱慰益夔然

河南巡撫畢沅奏河北雨澤情形詩以誌事

先是京畿望雨亟因籌買麥綢繆計既而雨足可無需

隨命豫齊罷其事

前以京畿望雨急切令畢沅長麟於麥價平減之處採買數萬石運京接

濟嗣獲連朝甘霽不特大田可以播種即二麥可望半收市價自不至昂貴且上年存倉麥石有四萬餘計可糴至七月此外尚有豫省額運之麥源源接濟無須買運隨令各該撫停止採買雨之足也齊

幸同

長麟節次奏山東望雨之歷城等五十四州縣均於廿三四五等日得雨優霑廿五六復大雨竟日

實已周遍是東省農田可期豐稔

河北直南未全暨

豫省河北之衛輝懷慶彰德三府與

欽定四庫全書

卷四十一

直隸之順德廣平大名三府接壤故春夏以來兩省各屬俱獲優霑而此數府望澤畧同不免各成一隅偏災直之事已命督臣

直隸雨未霑足處所已節次諭劉綏緩徵借糶並飭詳查如已成偏災即

據實奏明茲接豫撫奏章至昨雨河北仍未渥淺一二

寸深三四嗟哉三府勤穡民徒此胼胝虛望歲一稔乃

抵前後歟

茲據畢沅奏河北三府於四月廿二三等日得雨一次有入土三四寸者有僅止一二寸

者上年河北收成方報九分有餘乃積歟之後甫逢一稔今復以雨澤未優麥收失望小民生計其何以堪

遑云閭閻復元氣備京麥罷宜備豫河北平

糶種為

次第

又據奏此次買麥十萬石或此後得雨過遲應全行留為河北協濟之需另行採買五萬石運京等

語運京之麥業有旨停止該撫尚未接到但據奏河北情形自應將所買十萬之數全留河北與倉穀一律平糶至續得雨澤後或酌量借給籽種及已有成災處所並諭妥為撫卹不得稍存諱飾蓋雖一隅偏災不能不為次第經理也南瞻懸念不勝焦惟祈悔禍

天錫惠

端陽日作

重五夏之仲多逢望雨年今朝一何幸節事得相沿北方

春末夏初多值缺雨歷年端午每適逢望雨之時多不舉節事昨四月下旬連朝甘霽優渥異常令節相沿依例行有例懷忠粽無爭競渡船蓬瀛不可望用唐太宗句向年

每於蓬島瑤臺恭奉
節譙今不可再得又聞十年矣
慈寧
迴憶祇悽然

按競者爭也方欲化民和俗何事於爭然御苑龍舟
不過按隊而行原無逞先奪標之舉也

詠古瓷枕

何年窑冶器似趙却非柴

內府舊藏柴窑枕曾經題詠是枕式倣柴周所製而釉色

非遵生八牋所云柴窑青如天明如鏡者然火氣銷全
泐穆瑩潤火氣全消亦當似趙宋時物耳

盡宵眠靜與昏神安忘枕藉手舉稱摩揩欲笑王武子

惟知宜石佳

陝西巡撫巴延三奏通省雨澤麥田情形詩以誌

慰

孟仲春原時澤被季之下澣更優霑

陝省各府州屬正二月屢獲春膏茲

據巴延三奏自三月十二三暨廿一二等日復得雨二三寸至四五寸不等而廿五至廿八九等日之雨通省

溥遍更為深透

已欣二麥秀結實更看大田苗吐尖

又稱西安同州鳳翔

漢中興安各府及商邠乾鄜各州屬大麥將次登場小麥正在結實豐收可必其沿邊之榆林延安二府綏德一州氣候較寒春麥雜糧必須三月和暖後始可播種齊全現在俱已出土青蔥得此甘雨應時新苗愈加長

發
西望秦民稔逢幸

今春直隸山東河南雨澤未獲普霑夏初始能透足陝省節次得雨

洵堪慰幸然萬邦綏屢日切虔
祈一方告稔未能遽釋殷懷耳
仍殷一念屢綏占宇寰
廓矣心隨廓萬慮那辭鬢雪添

兩江總督書麟江蘇巡撫閔鶚元各報麥收分數

詩以誌慰

總督知三省撫臣悉一方安徽總督報

據書麟奏上下江各州縣二麥

約收分數已經報到者七八九十分不等向例奏報收
成分數撫臣應各詳悉專奏茲書麟時以會勘秋錄正
在江蘇故安徽撫臣尚未奏至而總督就各屬所稟先行具奏大概耳
吳下撫臣詳閔鶚元奏

大江以南所屬二麥已經黃熟以次登場據江寧蘇州
松江常州鎮江太倉各屬稟報麥收均有九分十分不

等其大江以北所屬氣候較遲二麥亦將次成熟據各屬陸續稟報亦約有八九十分等語 八九十

分穫北南中普臧

江南省以大江分南北在江以南者蘇松常鎮等府屬在江以北者淮徐

通海等府州屬其江寧揚州等府則介於中故云

同民慶逢歲益敬待秋長

題文徵明畫蘇軾詩意即用其韻

獨倚書樓罷午眠
喬松疎竹淡秋煙
扶筇嘉客來相訪
欲話羲皇以上天

詠綠玉韞

綠玉稀深綠斯珍
珍果偉珍珍圓光勝
喻韭德采耀浮筠
寶

豈宋人獨用殊衛國陳

詩衛風童子佩鞶注云鞶決也以象骨為之著右手大指所以

鈎弦 挽強今異昔著手愧生頻

河南巡撫畢沅奏報河南北雨澤農務情形詩以

誌慰

河南甘肅普周霑河北獨憐待澤淹

豫省春夏雨澤大河迤南疊次優霑

其河北三府雖連次得雨俱未暢足節次馳諭詢問茲又據畢沅奏開封省城自四月廿八日得雨四寸以後續於本月初三日復得陣雨淋漓酣暢並據開封南陽陳州河南暨許汝陝各府州屬稟報均於初二三等日得雨二三四寸不等秋田一律長發沃漑青蔥而河北三府僅據獲嘉河內修武報於初二日得雨一二寸餘

俱未成分寸亦有全未霑及者其低窪地畝所種秋禾疊次沾濡稍資接濟惟高阜之區尚須渥澤耳 況

是偶豐久歉處

河北三府當久歉之後去歲始得豐收今又麥秋失望以此倍加軫念 益

教宵注旰愁添緩徵固已施前惠

四月初旬以河北三府缺雨已將本年應

徵新舊錢糧概令緩至秋成後分別徵收以紓民力

虔禱仍令籲後占

畢沅又奏五月內如

得大需甘霖尚可無誤秋田因即飭令於前赴河北察看地方情形之際親詣衛源廟虔誠祈禱而百門泉

等處如有應行疏通之處並令飭屬妥辦以冀地氣宣通庶得恩膏速沛耳 疏濬衛源尤急

務要於勤恤俾民恬

題嘉靖雕漆銀錠盒

西苑應緣用道場遊龍舞鶴共翱翔延禧自幾去聲長生
術那計蒼生瘠與瘡

仲夏遊玉泉山靜明園作

山樹葉齊當夏靜泉源雨後澈湖明因之一豫來消悶
何必寸衷特矯情紅謝綠濃隨景物風薰民阜奉時行
雖然敬怠爭相勝惟日孜孜戒滿盈

華滋館

孟月中旬過華滋

四月既望自香山迴蹕過此一憩

望雨謂如之何好

下旬三日雨渥霑令識華滋愜懷抱夏華繞砌傲春芳
雨滋林葉都迴槁濛濛露氣沃花心習習風輕拂樹杪
眼前景實副館名館付不知人則曉

寫琴廊

山北期一攬山左路斯經亦有泉無數匯為碧湖潄湖
口落下處架廊便人行往來跣步間泠泠聞有聲春則
為角和秋則為商清大絃小絃分蘇詩詠以明寫琴故
如是太古以來呈青山伯牙奏綠水鍾期聽

創得齋

創得得來許久時隔年至即創之期山莊仍復斯數典

避暑山莊西峪
內亦有斯名

笑我過知實未知
謂知過論

題含經堂

一名額數處向來每所有御園之舍經較此構已久此
乃構於後額實近方取經為萬古常含在一已守詎惟
在縹緗行躬及言口顧名試思義忸怩恒覺醜

書畫舫

室緣近溪邊因之肖舫式顏額曰書畫米歐以為則彼
率適其意高閒或可得我應法無逸勤政惟惕息石渠
弄雖富何曾費賞識便偶一寓目惟覺有慚德

詠素堂有會

素固無可詠此云詠素堂如空既空矣何色可相方見
空豈非色有見視未忘無可詠之素試詠亦不妨如其
會一貫素王即梵王

掛瀑簷口號

普覺寺前有源水引來飛瀑掛前川

此水自普覺寺迤邐而東梵渠墻脊

中引至此為飛瀑實非玉泉之水

笑予八景題過刻原有垂虹在玉泉

玉泉從山根仰出噴薄如珠寶與趵突之義允合前人燕山八景誤云玉泉垂虹曾有詩訂其非是然茲之掛瀑則原在玉泉中謂之垂虹亦何不可

倚晴樓

迢回山北造山西藉降於斯弗藉躋仍有高樓巖半倚
恰符過雨霽光霽近看麥隴穗抽密遙接稻塍苗吐齊
額慶田功遇此鮮戒盈惟益勵兢兮

練影堂

書樓復降即溪堂練影漪瀾映座光
已是銅壺銷玉漏
遂教桂檝發蘭航
山巒背指黃回綠
田埕面量短者長
樂在此乎不在彼
未孤望澤向愁腸

福康安奏臺灣地方寧謐情形詩以誌慰

地經兵燹撫為難
特勅良臣善後觀
臺灣賊匪滋事福康安等於數旬之內生擒二逆勦除餘黨固稱迅奏膚功然民間以兵燹之餘耕種失時田畝荒廢撫恤為急並一切善後事宜轉須從容料理是以特命福康安暫留彼處次第詳籌為永靖海疆之計
府一縣三農事起

導和禁鬪戶民安

據福康安等奏該處難民漸次歸莊正東作方興之際因即酌借籽種令

其各歸農業民間修復水道繕葺房屋亦已漸復舊觀現在通衢市集負販流通往來如織府城內外演劇酬愿者甚衆地方日就寧貼人心實已大定並曉諭地方官嚴禁爭鬪之風隨時化導務在有犯必懲當不致更滋事

銷兵鑄耒知謀永

又稱前後收繳刀矛及各項器械數千件俱改鑄農器給與貧

民以資耕種仍嚴禁工匠不得縛匪獻逃莫匿奸竊現在私置軍器亦可遏絕械鬪刁風緝匪不但地方官均各上緊搜捕即村民亦皆實力查緝嗣又收獲賊目九名並殺害同知王雋之逆犯張烈一名匪衆陳意等二十八名俱已審明正法凡逃入村莊者無不即時擒拏且有該匪犯父母親屬自行獻出者可見民知畏法雖至親亦不敢隱匿賊匪根株無難搜查淨盡矣福康安此次辦理一切安詳周到俱能得

其要領不特征勦之時海
嶠番民服其威勇已也

海嶠威揚人服勇豈知為政

更捺端

署陝甘總督勒保奏報甘省普霑甘雨詩以誌慰

舊臘新正渥雪霑夏初春末好霖無

勒保奏甘省河西
上臘新正連霑透

雪春暖消融土膏頗屬滋潤茲於三月廿七八及四月初五六等日涼州甘州肅州安西州所屬各得密雨二三四寸不等河西地氣較寒向年得雨比河東稍遲今歲甘膏頗早實為應時渥澤至河東之蘭州鞏昌平涼慶陽各府階秦涇各州所屬亦同時各得雨四五寸及深透不等麥禾倍增暢茂夏收實可豫期

河東

西總澍膏潤禾早晚希秋熟占充裕市鄧糧價減蓋藏

村舍土風恬

又云現在各處市糧充裕價值亦日就平減等語該省向稱瘠薄今農田可望有收

民回番衆得有蓋藏

諭馳海表知詳悉

福康安辦理臺灣善後事宜暫

且不能回陝甘總督之任茲特諭令知之想素所撫循之地無不關心聞之亦必欣悅也

北顧應同

喜氣添

夜雨

五月初九日

四月雨三日由來所罕逢間

去聲

常霏霽陣昨更佈雲濃

自四月下旬連朝霖雨後仍間有陣雨至昨朝雲氣頗濃是以今早寅刻雨勢較大總於麥未有益又喜其旋

即晴

補種去苗

禾

增潤回蘇穗

麥

改容簷泉聽半夜傍

曙露遙峯

喜晴

五月初十日

昨晚徂雲散終朝霽晦頻交寅
雲雨脚入卯耀曦輪既
渥適堪止宜暘允是均
喜晴當五月雨足可知真
時麥收
宜晴
曉嚮晨陣雨後旋喜放
晴農家喜雨之需足可知

浙江製側理紙成用壬辰詠古側理紙韻題句並
仍以整紙書之

何以棄餘暇喜書猶古稀做成古杭是炫賈海苔非
內府

所藏側理紙僅有數番近浙省倣製亦復相似可知世固有能造者不必拾遺記所云海苔為之也或炫稱晉時苔箋皆賈人近利居奇之辭耳仍就圖圖體隨其宛轉機短長不裁

幅羅薛勝為衣棊几平陳待綵豪疊韻揮怵然有所慮所好去聲慎茲幾

昨既書壬辰詠古側理紙詩於古紙不割裂其原體
茲用前韻題浙江倣製之紙仍以整紙書之夫側理
自晉迄今千數百年而茲所製竟能彷彿不可謂古
今人不相及予因思之偶詠側理紙而浙江即有倣

為之者絜矩人君所好不可不慎也

湖北巡撫姜晟報二麥收八分餘詩以誌慰

優霑春雨夏初晴二麥正資結穗成通省八分有畸獲

諸商各價自然平

姜晟奏湖北省春夏陽雨應時四月中旬以後幸值晴霽二麥及時刈獲

現已一律登場查核通省九分收成者六州縣八分有餘者二縣八分者五十六州縣七分有餘者二縣七分者二州縣總計收成實在八分有餘等語際此夏收豐稔不特糧價日平而民間日用所需亦可無虞踴貴

屢綏幸繼昨年稔時若更期秋稼盈

湖北去歲豐收茲又麥秋告稔元氣

可復况據稱省城復於五月廿六七日甘霖渥沛濕雲濃霽遠近定必均霑現在分秧時插之際得此應時雨

澤是該省秋
成更堪豫卜
手額南瞻
曷勝慰慰
餘虔翠敬
彌生

管幹珍和琳奏報北運河漕船通行並南糧首幫

出境詩以誌事

去年通運命明興幸得微山湖水增

近歲以微山湖收水多不及舊誌以

致不能濟運上年命明興前往動帑挑挖疏導於定誌一丈一尺之外並多收水一尺於是八閘以南浮送糧艘可期

孰謂衛河弱於北又兼古淺梗相仍

其自臨清以北專藉

衛河濟運乃今春衛輝懷慶一帶缺雨衛水微弱兼之直隸更多古淺以致豫漕已不能前進而南糧又安望其端

濬淤一再材能遣

前命御史和琳巡視山東漕務又令內閣學士管幹珍馳往分

投查探水勢於淺之所督令疏濬一面催趲糧艘茲據
會奏管幹珍南赴館陶沿河至淺阻之秤鈎灣地方將
豫省之平前平後任城徐前徐後五幫督催過淺次第
挽至臨清插幫行走和琳北赴武城德州一帶沿河酌
量起撥查催前進於五月初五日南糧大河前泗州後
二幫趲出東境拓圍鎮淮安三揚州二等幫現亦跟梢
北上其東省十幫豫省之通天兩幫已全數盡入直境
查上年南糧首幫於五月十七日始出東境本年較早
十二日是令歲抵壩可期迅速
二人材能洵為不負任使爾
南糧早去歲人為濟事語誠徵
轉漕督催天庾登更報

江西巡撫何裕城奏二麥收成八分餘詩以誌慰
麥收南省早於北四月中旬已報登各屬都臻八九際

江西省冬雪優霑春雨透足茲據何裕城奏通省產麥各屬內收成八分者二十四州縣九分者四十九廳州縣統計收成八分有餘南省氣候和暖二麥登場較早四月中旬已據報登洵堪欣慰 湖南較尚半分增 昨據浦霖奏湖南省麥收分數內九分者三縣有餘者一縣七分者一縣通計亦有八分然江西九分者倍於八分則較之湖南為更優矣 青黃不

接價無長

上聲

衣食之源計有憑甲子元正多卜稔

羣芳譜云

元日值甲穀賤通書以正月上旬子日占歲事亦有甲子豐年之語故農家以元旦逢甲子尤為歲美之徵今歲元正干支適會實兆首禧 適逢惟幸疊欽承

詠定窰小孟

爾時雖是厭光芒不及官窰用廟堂歲久光芒銷以盡
希珍今亦口金鑲

河南巡撫畢沅報二麥收成分數詩以誌事

大河界南北收麥頓相殊南率八九上北惟四五俱

沅

奏豫省一百八廳州縣二麥約收分數內十分者南陽
南召鄧州內鄉確山正陽新蔡光山固始九州縣九分
有餘者新野浙川西平遂平信陽羅山淮寧西華商水
項城沈邱太康扶溝許州臨潁襄城郟城長葛十八州
縣九分者鹿邑虞城夏邑鎮平桐柏汝陽上蔡光州息
縣商城十州縣八分有餘者偃師孟津宜陽登封永寧
新安嵩縣唐縣泌陽裕州舞陽葉縣汝州魯山十四州
縣八分者祥符尉氏鄆陵禹州密縣商邱寧陵永城睢

州柘城洛陽邦縣陝州靈寶閿鄉盧氏十六州縣七分有餘者杞縣通許蘭陽鄭州滎澤滎陽汜水新鄭鞏縣滎池寶豐伊陽十二州縣七分者陳留洧川中牟儀封廳四廳縣至河北之河內濟源孟縣溫縣臨漳武安六縣尚六分有餘安陽林縣涉縣考城輝縣武涉六縣尚有六分其滑縣濬縣延津封邱四縣則僅有五分湯陰內黃汲縣新鄉獲嘉淇縣原武陽武修武九縣則僅四分有餘南北祇距一河而豐歉頓殊雖豐者十之七而歉者猶十之三不能為軫念耳

嗟哉災後民逢歲昨甫蘇元氣尚未

復洊臻嘆向隅

河北連年被旱惟昨歲始報收九分元氣尚未全復今又麥收歉薄窮黎其何

堪糴豐以濟歉補苴權急圖

前令畢沅在本省麥價半減處所採買十萬石預為

河北平糴之用今幸河迄南新麥稔收惟有糴豐濟歉急籌補救並飭地方大吏毋稍諱飾庶災民不至於失

所移粟救荒救
目前之急耳

孟子對梁王其言良非誣然果如言行

遂能無旱乎救荒無善政思艱蒿目吾

德勝門外作

北至將臨

大祀時還宮齋戒有恒規濃陰一夜頻繁問傍晚霞霞

落雨絲

前度覺生寺跋涉

三月間以盼雨命皇子等在覺生寺
設壇祈禱二十日得雨後詣寺拈香

敬酬

神惠途中泥濘入土實有六寸
然欣慰之餘忽經半月復望甘膏繼霈
既欣既盼念無

齊清和三日真優被

至四月中旬雖得雨數次仍未霑足復躬詣黑龍潭虔請幸即一

雨三日深透竟至盈尺而比數日間陣雨每作又覺快晴為佳雨固佳思霽景霽

滯雲徂勢向西南晴實佳哉意轉貪願霈甘霖望澤處

直之三及豫之三

直隸之大名廣平順德豫省之衛輝懷慶彰德六府春夏以來雨澤缺少

麥收歉薄惟冀日內得有透雨秋禾尚可稔收今早還宮道中見雲勢直向西南該處或可優被甘霖因即馳詢令其速奏以慰盼切

改觀農况較前殊麥穗禾苗生意蘇却念宜暘資曬暴
不知足乃若斯乎

夏日齋居

昨曉為霖隨快霽晚風陣雨送雲行

自前月下旬霑渥之後麥田將屆收

獲即大田亦資長發又宜晴曬而數日內間有駛雨猶若陰晴未定惟昨日曉雨旋霽將晚陣雨片刻今早天氣

晴朗漬雲淨
斂為之欣慰

碧天今日纖翳淨廣廈細旃峭與生農

務莫教縈萬慮人心那得有恒情齋居政簡偏非簡報

閱臺灣費細評

齋居幾務當簡今早接福康安奏報臺灣招募戍防安設屯政及嚴緝賭博潰

兵諸善後事宜詳酌指示至
申酉不以齋居懈勤政也

陝西巡撫巴延三奏報麥收九分有餘詩以誌慰

北南風氣異秦以麥為秋六十八州縣九分餘稔收陝

各屬最重麥收去冬濃雪澤春夏甘澍應時茲屈二
麥成熟之候據巴延三奏六十八廳州縣約收分數十
分者咸寧長安高陵鄠縣渭南涇陽三原鳳翔寶雞郿
縣城固華陰十二縣九分有餘者孝義川藍田興平耀
州藍屋富平扶風岐山大荔郃陽安康白河淳化乾州
武功商州十六廳州縣九分者五郎關咸陽臨潼隴州
褒城西鄉華州潼關澄城蒲城朝邑石泉三水商南雒
南鎮安十六廳州縣八分有餘者醴泉麟遊寧羗南鄭
洋縣沔縣韓城白水紫陽長武永壽山陽郿州宜君十
四州縣八分者同官鳳縣留壩畧陽平利洵縣中部七
廳縣七分有餘者汧陽邠州洛川三州沿邊候惟冷待
縣統計收成九分有餘覽奏深為欣慰

獲報從頭

其沿邊之膚施等十九州縣地氣寒冷收獲較遲例歸實在收成分數內題報是以尚未

奏及然揆其情
形當亦相仿
西望誠欣慰戒驕慎自籌

夏至日

北郊禮成述事

土德欣逢四

戊年戊月是日巳
卯五行又屬土

黃壇大祀呈微躬蒙

眷佑厚貺錫安貞去歲方鞠旅

上年此時正調遣官兵
進剿臺灣逆匪林爽文

等今歲春初已生擒逆首掃滅餘黨海疆
綏定安貞之吉非蒙
眷佑何以至此
今春早洗兵

忖修何以遇怵惕羣虔誠

北郊禮畢還御園之作

夜半聞霖意悚然曉晴

方澤禮行全自維叨

惠敢言報並恐恃

恩益勵乾徐厯郊原還御苑迴蘇禾黍閱良田愴殊昔

日問

安況

昔年問

北郊禮成迴御園必先詣暢春園
安追思此景不可復得倏閱十年矣

瞥

眼光陰過十年

啟蹕幸避暑山莊即事

往歲撰良恒據鞍習勞示健衆胥歡

向年每詣山莊必乘騎啟行亦寓習

勞之意一時庖從及送駕諸臣無不以予年近八旬而康健如初共深慶幸

罔卿曠職應從

罰儀使進與匪溺安

今日啟蹕時上駟院竟將御馬遲誤自應分別議處責懲因乘輿與

就道非予意圖安逸有殊往例也

遵養古稀庶亦可期勤三度却非難

以予年逾古稀即乘輿亦遵養之道但自度精力尚強是以上年啟蹕詩有擬待八旬罷鞍馬之句俚指亦僅三年必不至以策馬為難是罔卿雖屬曠職而拈句轉增新意耳

優霑膏澤時暘若綠

野青蔥入慰觀

浙江巡撫琅玕奏報春花蠶絲收成豐稔詩以誌

慰

麥之苗秀資雨哉麥之結實賴晴矣作繭縲絲喜晴暄

適逢其會成雙美

浙省各府俱種春麥而杭州嘉興湖州三府尤以春蠶為重茲據琅玕奏

二麥陸續刈獲春蠶亦俱縲絲其二麥約收分數杭州嘉興紹興溫州四府屬俱九分有餘寧波台州金華嚴州四府屬俱有九分湖州衢州處州三府屬俱有八分其蠶絲收成分數嘉興府屬九分有餘杭州湖州二府屬俱有九分大概春花春蠶當收成之際最宜曝曬幸遇天氣晴朗一律稔收可稱雙美云

衣食之

源吾所產而絲之源惟浙爾兩收胥獲九分餘額手同

民幸遇此昨知兩江報麥收

前據上下兩江督臣撫臣奏二麥收成數俱九分

有餘浙江界其南故麥收相仿更南則為閩粵當亦無殊惟日盼奏至以慰廑念而奏到畧遲耳

風氣

至浙南迤邐復南則為閩粵疆均似茲乎一心企

出古北口疊乙未詩韻

惠遠詰戎兼避暑良規何莫

祖功貽往來古北不覺老跋涉泥塗却切思

昨日途中大雨泥濘

營兵等冒雨填道而校尉人等跋涉維艱尤堪軫念因即分別行賞以示體恤曰此漢邊寧可

恃稱他秦置祇留嗤伊犁耕牧恒廑意即謂巖疆防異

斯

喜晴

午雲催雨陣倏忽放新晴仲夏如季夏

過日途中頻遇陣雨幾如月令

所云季夏之月大雨時行矣

愜情還怯情明知農父樂暗慮旅人行

道傍禾黍盈野知農家不厭優霑惟道途泥濘行旅則所不願且田中亦須曝曬益資長發幸而晚霽當可有旬餘晴

晚霽真堪喜夕陽樹杪橫

至避暑山莊即事得句

曉蹕乘涼喜快晴廣仁嶺過見巖城青衿迎駕蔚文教

自丙申歲升熱河廳為承德府以所屬六廳為州縣乃
初建文廟增置學額府學六名所屬各四名並予鄉
試中額一名於是絃誦之士日益衆多茲正值學臣
金士松試畢率諸生道左迎鑒文教蔚興為之快慰赤

子填街豫衆情休養恒為計衣食詰戡幸爾罷經營去歲

駐蹕山莊以臺灣逆首尚未就擒籌治軍書時勤宵旰
今歲春間大功幸已告歲即福康安經理善後事宜亦
將次完竣無須訓示駐此饒有清暇
惟盈滿之戒不能不兢惕於懷耳
今年避暑饒清暇

惟益變變戒滿盈

永佑寺瞻禮疊辛丑詩韻

臺灣逆賊煽居居

惡也見爾雅

駐此正籌鞠旅初

上年駐蹕山莊時臺

灣首逆尚未擒獲惟於瞻拜神御之下虔祈
默佑於是日治軍書指授方畧不敢稍自疎懈也揚

我國威默籲

祖靖其瀛嶠肯疎予一心盼捷秋連夏三月成功疾弗

徐去夏予早慮及常青未能歲事即馳諭福康安入覲
山莊既而自夏徂秋賊勢果益猖獗隨命福康安等

前往籌勦未及三月連擒首惡殄滅妖氛成功之速無
以踰此評見平定臺灣聯句詩注自非皇祖

皇考在天之靈啟牖予衷曷克
臻此則予之感恩當為何如

永佑信哉蒙

福庇紀恩七字壁閒書

寫心精舍

問人孰無心問心如何寫能識心已希識能寫益寡儒
者欲其存墨者云其假存固少真存假豈誠知假孟子
推舜心已曰鮮上聲慕者熱中則何為所寫更誰也我惟
勉精一能否念兩捨謂能是自矜謂否是自畫故不為也

四知書屋八韻

微隱顯為彰柔卑高制剛繫辭緣述

孔數典不因楊回緬昨年事幸成此日堂

山莊正殿後室
皇祖

題依清曠三字而無檐額去歲籌畫臺灣軍務日於此
召見軍機大臣實因先事知幾有合於豫之六二爻義
得以歲功因取繫辭所云知微知彰知柔知剛之意
顏其檐額曰四知書屋却非楊震之所謂四知也 旰
宵籌塞苑稂莠靖瀛疆允賴

天恩貺莫非

祖烈揚楣閒

題舊仰檐外額新張清曠山水德明公捷伐方

清曠之名乃寄

情於山水之意然水澄然而清故明山廓然而曠故公
明與公即為熙政詰戎之本皆由知幾而推之為四知
也詳見所
作記中 五言重衍義兢業識毋忘

題文津閣

淵源重

平聲

校畢京中

繕寫四庫全書每分三萬六千冊

莊偶閱文津閣之書初不意其訛舛至於累牘聯編因命諸皇子及扈從諸臣計日校閱得三分之一並諭在

京之皇子大臣派大小臣工二百餘人將大淵文源二閣書重加讐校已於回鑾之前告稱歲事

次第

於斯津合通

其文津閣未曾校竣之書責令原總纂禮部尚書紀昀帶同原校文淵文源二閣疎

漏之總校分校於冬間來山莊詳校數月亦已完竣

亥豕訛由為物一魯魚舛則

以形同究因考覈未盡力薄用創懲示懈公

紀昀與副都御史陸

錫熊當日原充總纂凡書中訛舛之處固由總校分校不能悉心校對亦由紀昀等未將底本認真詳閱經理

所致姑念書已告成寬其吏議僅令重加考覈並令陸錫熊於福建學政任滿後帶同原校文津閣書疎漏之總校分校往盛京重校文溯閣之書其四閣書應另繕者亦罰令二人出貲賠寫此番勞費實由自取然其過亦止於疎懈不得不薄示
獨有費墀牟利重聲職錫其創懲以為誤公者之戒

計嘆非工

初辦全書之時原任禮部侍郎陸費墀時以編修為提調繼為總校洊加擢用乃該員惟

以牟利為心一應收發書籍高下其手任意勒索嗣後卷帙遺失又任令謄錄私買坊間之書充數在總纂既未寓目而卷數又多不符以致書中訛謬不可枚舉既又去其檔冊無可稽核是其罪固浮於紀昀等矣因即降旨革職仍令將續繕文匯文宗文瀾三閣之書罰其一力裝潢製面排架該員始念為可倖免由今思之當亦悔其失計耳

趣亭

書樓四庫法天一

浙江鄞縣范氏藏書之所名天一閣閣凡六楹蓋義取天一生水地六成

之為厭勝之術意在藏書其式可法是以創建淵源津溯四閣悉仿其制為之亭子假山面對之淵海浩如無盡藏知斯趣者果真誰

月臺

月臺意寓南宮米却是從來未一登既念登臺須入夜
遊當秉燭豈相應

留京王大臣奏報晴雨應時詩以誌事

邇來雨渥不須多覽報時暘慰若何

臣據留京辦事王大臣奏報京師於二

十日戌刻至廿一日巳刻陣雨數次廿三日辰刻薄雷微雨隨即放晴至廿四日天色開霽日光晶瑩現在氣候極為晴朗覽所奏與蹕路情形相仿刻下二麥登場連日快晴可資曝曬而大田正值長發之際既需優澤旋得熙陽曝蒸自必倍加茂
似茲暘雨應時快慰殊難言喻
既以大田滋禾黍更於長路利車馱微雲見即生猶豫皎日朗方愜詠哦因識人恒弗知足已之未信奈他麼

署福建巡撫伍拉納奏雨水田禾情形詩以誌慰
兵後多凶年此語古所有臺灣雖海外省同應共受以

此恒關心為祝逢年阜春雨早報霑麥收七分富

閩省

天氣融和麥收較早前據護撫伍拉納奏報三月杪已
屆二麥成熟之候各屬除臺灣一府尚未據報到外其
內地六十州縣收成八分有餘者連江羅源寧化歸化
壽寧等五縣八分者長樂福清屏南永福仙遊將樂沙
縣尤溪永安建陽崇安松溪政和邵武光澤建寧泰寧
長汀清流連城上杭武平永定福鼎直隸永春州並所
屬德化大田直隸龍巖州並所屬漳平寧洋等三十州
縣七分有餘者安溪一縣七分者閩縣侯官古田閩清
莆田晉江南安惠安同安龍溪漳浦海澄南靖長泰平
和詔安南平順昌建安甌寧浦城霞浦福安寧德等二
十四州縣合計通省麥收七分有餘該省當臺灣用兵
之後收成益為廛念茲雖未稱上熟猶屬中豐仰沐

昊慈實
深感謝

茲復馳奏章時若利田畝禾苗愈長發蔬薯

胥暢茂

茲又據奏時屆首夏高阜地畝因晴霽半月又在望雨隨於四月十五十六等日連獲優霑禾

苗愈見滋長園蔬蕃薯亦俱暢茂覽奏真堪慶幸

南瞻慶同民不禁頻額手納

稼其尚遙慎戒滿招咎

西峪

往年至山莊山草每未綠今茲入西峪綠毯鋪迤目一
碧萬頃連高下疊油縠清香襲襟袖知因時雨足詎惟
利塹禾且以悅林鹿露華潤而甘飽食恣攸伏絕勝四
年前嚙荷充餒腹

甲辰春此間缺雨草長畧遲鹿饑弗得食因嚙荷葉充腹曾有詩紀其事

膏肓恩溥博何物不受福兼之逢快晴時暘利百穀

味甘書屋

茗椀竹壚陳妥貼山泉有味品移時言中設以苦甘喻
吾意於斯未信之

有真意軒

意祇在心中而曰軒真有軒實在心外本末倒置否無
心詎有軒一二難分割心之真為授軒之真為受覓意
竟何是如是言之偶

秀起堂

山不入深秀何得堂惟因迴起予吟一天寥宇碧無際
五月薰風披有襟過雨齧溪留鹿跡知時叢樾出蜩音
欲緣茂對歌解旱澗奏泠泠可代琴

靜含太古山房

山自太古有房惟此時構而房在山中太古名足副何
以知其然古今輪宵晝今晝詎是新古宵豈為舊達觀
原一瞬寧待禪關透

河南巡撫畢沅奏河北雨水情形詩以誌事

月下幹初於途間口內外每行雨裏山田慮旱弗慮澇
僕役跋涉望雨止孰知河北久旱地蒙澤三四寸而已

被六寸者惟一縣何渥霑此靳膏彼

日前蹕路經臨見大田亢茂土膏極

為霑潤途中復屢遇陣雨雖行旅跋涉不免泥濘難行
而旋雨旋晴在山田究為得濟因念豫省河北三府春
夏以來雨澤總未深透維時見雲勢徂南冀幸同時均
被隨即馳諭詢問茲據畢沅奏五月廿一二等日各屬
果俱得雨惟河北得六寸雨者僅內黃一縣其
餘仍不過三四寸霑此靳彼閱奏益深厯注又稱河

南澤實佳大田高下農功起河北月內嘉霽逢冀可翻

犁盼秋美

又據奏此次得雨較優計連日前十七之雨已共有三四寸至五六寸不等不但已種地

畝長發可期即高岡未種之處俱可陸續翻犁田功漸起日內再獲甘霖秋田普種仍可望收等語現在緩徵借種業已頻經降旨此時無可措施為綢繆之計惟祝吳恩幸於月內早得渥被佳音庶此三郡之民不

致向隅耳

緩徵借種

上諭

頻宣此際亦無可降旨南瞻惟是

軫民艱卽祝霈霖報音喜

直隸總督劉峩奏報南府雨水情形詩以誌事

直南三府近河北雨艱望澤如一例直北河南胥優霑

豫省之河以南開封歸德南陽汝寧河南陳州六府許汝光陝四州春夏雨澤時霑不致為旱卽直北之順天

保定河間天津正定永平宣化承德八府易深定冀趙
遵化六州春雨間有未透之處而四月下旬之雨一律
普霑不特大田播種齊全日內尚慮過多惟畿南之大
名廣平順德三府與河北之衛輝懷慶彰德三府壤地
相接雖連次得雨俱未深透或氣數偶有不齊接壤六
然早夜虔祈並為緩徵借糶之計者已無弗至接壤六
郡獨弗被諉之氣數我豈忍恒為去聲虔籲關殷意綢繆

計亦早頻頒饑溺心勅大小吏即今披閱奏報章霑寸

仍惟三與四

日前以途中連遇陣雨因降旨馳詢六府情形昨據畢沅奏河北廿一二之雨多者

僅三四寸茲接劉我所奏畿南三府亦大槩相仿雖稱
接續霑濡未苗勃發恐亦慰予跂望之辭蓋諱飾最所
當戒惟冀仰邀
嘉霽晚田可種尚
恩賜即六月上旬得有
不為遲否則實成旱矣
雖云接潤

苗長

上聲

發恐未必然戒飾諱惟冀月中嘉霽渥大田可

種祈

天賜

喜晴

六月初三日

季夏朔朝晴固是宜暘兆傍晚霏陣雨翼日曦陽曉晚
復陣雲生霽絲條過了夕陽萬樹明乃幸晴定好今朝
朗碧天颯爽愜懷抱凡此三日間愁多欣實少即此一
愜懷恐近生驕道為君信難哉五字聊表表

澄觀齋有會

視物謂之觀

平聲

示物謂之觀

去聲

其義雖有二一澄與為

貫無私之謂澄克己思過半是謂惠迪吉

堂中惠迪吉三字為

皇祖御書

聖藻垂訓煥

翠雲巖

峭壁崿嶭不可登枝攢葉簇翠層層試詢留白為雲者

設色如斯孰更能

見說奇峯多夏雲應輸翠色此平分更饒不致為霖雨
那繫人間戚與欣


對山齋

牆外真山內假山對之真假辨殊艱世間一切有為相
胥夢幻場合付刪

餐腴室有會

詩書亦有腴道德亦有腴一二二而一相資互見諸若
夫山水秀及其花木娛雖曰引清興却恐乖政模何足

擬易泰餐宜慎所居



御製詩五集卷四十